



mjesečni Bilten

omladinska mreža bosne i hercegovine

februar
veljača
2019.

238

Dragi prijatelji/ce,

Predstavljamo vam **februarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u februaru 2019.....	2
Planovi za mart 2019.	6
Aktivnosti članova mreže.....	7
Saopštenja/informacije/donatori/pozivi	25

Uživajte u čitanju!

AKTIVNOSTI ORC/HCA U FEBRUARU 2019.

SLJEDEĆI KORACI: Budućnost suočavanja sa prošlošću na zapadnom Balkanu

U Sarajevu je 25. februara organizovan prvi sastanak i zvanična prezentacija projekta "Sljedeći koraci: Budućnost suočavanja sa prošlošću u regionu Zapadnog Balkana". Cilj sastanka, organizovanog od strane Centra za postkonfliktna istraživanja (CPI) Sarajevo i Memria Beograd, bio je doprinijeti audio/video arhivi izjava ljudi koji rade na različitim inicijativama u procesu suočavanja sa prošlošću širom regiona.



Svrha ovog projekta je da pomogne državama koje su osnovane na teritoriji bivše Jugoslavije, i društvima, da ostvare ciljeve tranzicijske pravde kao što su istina, odgovornost, uspostavljanje vladavine prava, pomirenje i trajni mir. Sastanku su prisustvovali predstavnici akademske zajednice, organizacija civilnog društva i udruženja žrtava koji rade u oblasti suočavanja s prošlošću, ljudskih prava i tranzicijske pravde u Bosni i Hercegovini. Ispred ORC Tuzla sastanku je prisustvovao Miralem Tursinović. Više o o projektu na: www.nextstepsbalkans.org

IZBORI se za RAVNOPRAVNOST

U Sarajevu je 28.02.2019.godine održana radionica za volontere u sklopu projekta „IZBORI se za RAVNOPRAVNOST“.



Fokus građanske inicijative "IZBORIMO se za RAVNOPRAVNOST" je na društvenom i ekonomskom osnaživanju žena za budućnost Bosne i Hercegovine. Projekat se zalaže za punu implementaciju Zakona o ravnopravnosti spolova i kreiranje zajednice(platforme), koja će biti sredstvo svim građankama i građanima Bosne i Hercegovine. Jedan od ciljeva kampanje jeste prikupiti 100 000 potpisa podrške inicijativi za rodnu ravnopravnost! 100.000 potpisa je snaga kojom će se podstaknuti donosioci odluka na puno poštivanje Zakona o ravnopravnosti.

Regionalna laboratorija za društvene inovacije



U Podgorici je od 11. do 14. februara održana Regionalna laboratorija za društvene inovacije.

Regionalna laboratorija za društvene inovacije je nastavak Nacionalnih laboratorija za društvene inovacije koje su održane u zemljama Zapadnog Balkana i u Turskoj. Regionalna laboratorija je aktivnost organizovana u sklopu projekta Podijeljena prošlost – Zajednička budućnost, na kojem radi 19 organizacija sa Zapadnog Balkana i iz Turske. Cilj Regionalne laboratorije je analizirati sve zaključke Nacionalnih laboratorija i kreirati 7 društvenih inovacija na nivou prototipa, kao i testirati metodologiju za razvoj društvenih inovacija

na polju pomirenja i izgradnje mira kao i testirati međusektorski pristup i saradnju na problematici.

Na Regionalnoj laboratoriji za društvene inovacije su učestvovali predstavnici civilnog (nevladinog) sektora, javnog (vladinog) i biznis (privatnog) sektora koji dolaze iz Bosne i Hercegovine, Srbije, Crne Gore, Sjeverne Makedonije, Kosova, Albanije i Turske.

Domaćin laboratorije je bila organizacija iz Crne Gore, Forum MNE.

Emir Karamujić i Slobodan Blagovčanin su prisustvovali Regionalnoj laboratoriji za društvene inovacije kao predstavnici Omladinskog resursnog centra Tuzla i kao predstavnici civilnog sektora.

„Jačanje omladinskog aktivizma u borbi protiv korupcije u Bosni i Hercegovini: Znanje in, Korupcija Out“



Završna konferencija projekta „Jačanje omladinskog aktivizma u borbi protiv korupcije u Bosni i Hercegovini: Znanje in, Korupcija Out“, koji se u 10 odabranih gradova / opština u BiH implementirao u periodu od 1. marta 2017. godine do 28. februara 2019. godine održana je u Sarajevu 20. februara 2019.

Cilj projekta koji su zajednički implementirali Udruženje Medijske inicijative i Centar za razvoj omladinskog aktivizma iz Sarajeva bio je da ojača glas i prisustvo mladih u antikorupcijskim aktivnostima koje se trenutno provode u Bosni i Hercegovini.

Tokom dvije godine, to je rađeno u tri dimenzije: Jačanje vještina mladih za učešće u antikorupcijskim akcijama, Podizanje svijesti i edukacija o fenomenu korupcije i Realizacija antikorupcijskih akcija.

U projektnim aktivnostima koje su održane u deset odabranih gradova i opština u BiH (Sarajevo, Banja Luka, Mostar, Tuzla, Brčko, Bihać, Istočno Sarajevo, Prijedor, Zenica i Foča) učestvovalo je preko 200 mladih, a održan je niz treninga, studijskih posjeta, uličnih akcija i javnih događaja. Mladi su osim toga učestvovali i u provođenju monitoringa rada javnih institucija, pisali tekstove o svom doživljaju korupcije, osmišljavali radove na temu borbe protiv korupcije i sl.



Na konferenciji koja je održana 20. februara ove godine predstavljeni su rezultati projekta i nalazi iz istraživanja o korupciji, a razgovarali smo i o dvije važne teme: ulozi medija u borbi protiv korupcije i načinima motivisanja mladih na osnovu pozitivnih iskustava NVO sektora. Također, na konferenciji su predstavljeni najbolje ocijenjeni radovi pristigli na konkurs za najbolji foto, video i tekstualni rad na temu borbe protiv korupcije.

Jedan od panelista na konferenciji i predstavnik omladinskog antikoruptivnog tima iz Brčkog je bio Emir Karamujić, član ORC Tuzla.

„Zajednice na prvom mjestu“



Hope and Homes for Children BiH, u saradnji sa partnerskim organizacijama iz drugih zemalja Zapadnog Balkana (Centre for Legal Civic Initiatives Albanija, Partners Center for Conflict Management Kosovo, Centre for Common Ground Makedonija i Kulturni centar DamaD Srbija), realizira projekat „Zajednice na prvom mjestu“, finansiran od strane Evropske komisije.

Projekat ima za cilj da osnaži organizacije civilnog društva (uključujući one koje se bave pitanjima mladih, ženskih prava i vjerskih organizacija) i omogući im da postanu efikasni i odgovorni društveni akteri, te da stvori zajedničku platformu za Organizacije civilnog društva (OCD), što će im obezbijediti mogućnosti za unapređenje regionalne saradnje i koordinacije između sve većeg broja lokalnih (grassroot)

organizacija, relevantnih OCD-a i drugih aktera u zajednici koji se bave pitanjem prevencije ove problematike. Na taj način će se obezbijediti pristup cjelovitog uključivanja društva u prevenciju i suzbijanje nasilnog ekstremizma, što je jedno od prioritarnih pitanja za vlasti.

Aktivno učešće ispred ORC-aTuzla na prezentaciji projekta i kreiranja hub-a za potrebe istog uzeli su Slobodan Blagovčanin i Mirela Biković.

KORA 6

Šesta Konferencija omladinskog rada Republike Srpske, koju organizuje Mreža omladinskih centara za trening, razvoj i animaciju Republike Srpske u saradnji sa Institutom „Perpetuum mobile – centrom za razvoj mladih i zajednice“ iz Banja Luke i Ministarstvom porodice, omladine i sporta u Vladi Republike Srpske održana je ove godine u Banja Luci. Teme Konferencije su između ostalog bile i administrativno-finansijska opterećenja za omladinske organizacije u Republici Srpskoj, prilike za mlade i prenošenje pozitivnih primjera iz prakse omladinskog rada iz regiona i Evropske Unije, te međusobna saradnja.




Ispred Omladinskog resursnog centra Tuzla

učešće su uzeli Mirela Biković i Slobodan Blagovčanin.

Građani protiv terorizma - CAT

Tokom mjeseca februara, nastavili smo sa našim redovnim aktivnostima u sklopu projekta „Građani protiv terorizma – CAT“. Naše mačke su nastavile da oduševljavaju javnost na društvenim mrežama, a ovog mjeseca za sve naše pratiocе obradovali maskicama za mobilne uređaje sa motivima CAT-a. Ukoliko još uvijek ne pratite naše mačke – pozivamo vas da to učinite na: www.facebook.com/CATBiH



Omladinska grupa ORC Tuzla

Sastanak Omladinske grupe Omladinskog resursnog centra Tuzla



U srijedu, 27.02., u prostorijama Omladinskog resursnog centra Tuzla održan je sastanak omladinske grupe Omladinskog resursnog centra.

Na sastanku su se članovi upoznali sa novim koordinatorom omladinske grupe Benjaminom Burekom.

Tokom sastanka otvorili mnoge teme, te su donešene nove odluke i ideje za nastavak rada omladinske grupe tokom 2019. godine.

Na sastanku su članovi bili jako aktivni i predložili su mnoštvo ideja, a neke od tih ideja su:

1. Mjesečno druženje sa svim članovima
2. Mjesečna aktivnost grupe (ulične akcije, posjete školama i još razne manifestacije)
3. Godišnja aktivnost grupe (projekti)

REDOVNE AKTIVNOSTI ORC I hCa TUZLA

Tokom februara radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI hCa/ORC-A ZA MART 2019.

- Početak implementacije nove kampanje - „CAT 19“. U okviru ovog projekta u naredom periodu naše aktivnosti su nastavak sa partnerima, pripreme tehničkog dijela kampanje, te planiranje kampanje.
- Aktivnosti omladinske grupe ORC-a Tuzla
- Pripreme za početak aktivnosti ALF BH mreže (2019. – 2020)
- Nastavak apliciranja za projekte i učešće u partnerskim projektima u regiji

AKTIVNOSTI ČLANICA OMLADINSKE MREŽE BiH



PRONI Centar za omladinski razvoj

Ul. Mehmedagića 24, 76100 Brčko distrikt BiH
Tel./Fax: +387 49 217 695
E-mail: pronibrco@teol.net
www.pronibrcko.ba

Javni poziv za mirovne akcije u 10 BH gradova – „Uljepšajmo mir“

Jedna od dražih nam aktivnosti u 2018. godini dobija svoj nastavak!

PRONI Centar u saradnji sa Crveni krst / križ Brčko distrikta BiH realizovao je mirovni kamp pod nazivom „Uljepšajmo mir“ koji je okupio 70 mladih iz šesnaest gradova/opština iz čitave BiH.

Jedna od planiranih aktivnosti samog projekta jeste multiplikacija ciljeva mirovnog kampa „Uljepšajmo mir“ širom Bosne i Hercegovine, na osnovu čega raspisujemo javni poziv za dostavljanje projektnih inicijativa od kojih će 10 biti podržano u iznosu od 500 američkih dolara.

Sve informacije o javnom pozivu i aplikaciji možete pronaći na ovom linku: <https://goo.gl/9GeRHZ>

Projekat podržan od United States Embassy to Bosnia and Herzegovina.

Potpisan memorandum o saradnji u Sarajevu



Armin Omerović, direktor Centra kulture i mladih Općine Centar Sarajevo i Jasmin Jašarević, generalni menadžer PRONI Centra za omladinski razvoj, potpisali su memorandum o saradnji sa ciljem otvaranja PRONI Omladinskog kluba u Sarajevu.

PRONI Omladinski klubovi, u sklopu #STaRBiH projekta, imaju za cilj ponuditi sistemsko rješenje za mlade, njihov razvoj i njihovo uključivanje u društveni život kroz pružanje istih mogućnosti za omladinski rad, volonterski rad i neformalno obrazovanje.

Svečanom činu potpisivanja memoranduma o saradnji prisustvovao je i Željko Vukša-Fejić, predsjednik Vijeća mladih Općine Centar Sarajevo.

Nakon potpisanog memoranduma o saradnji u Bijeljini i Sarajevu očekujemo potpisivanje sličnih sporazuma i otvaranje PRONI Omladinskih klubova i u Mostaru i Banjoj Luci.

Projekat #STaRBiH je podržan od USAID Bosnia and Herzegovina kojeg implementira Karuna Center for Peacebuilding u saradnji sa PRONI Centrom za omladinski razvoj, CIM - Centar za izgradnju mira Sanski Most - CIM, Mali koraci - Small Steps, i Inicijativa mladih za ljudska prava u BiH - YIHR BiH.

Poziv za volontere

PRONI Centar za omladinski razvoj je raspisao poziv za 8 volontera koji će biti angažovani u PRONI Omladinskim klubovima (POK) u: Sarajevu, Banjoj Luci, Mostaru i Bijeljini.

Edukativna radionica u sklopu projekta “Budi muško klub”

U okviru projekta "Budi Muško Klub Brčko". kojeg sprovodimo u cilju prevencije nasilja među srednjoškolcima u Brčkom, kroz promociju zdravih životnih stilova, održana je edukativna radionica u JU Ekonomskoj školi. Sve edukativne radionice se realizuju po "Programu Y".

Radionica „Borba protiv stigmatizacije žrtava seksualnog nasilja“

12. februara smo prisustvovali radionici “Borba protiv stigmatizacije žrtava seksualnog nasilja” koju, u sklopu istoimenog projekta sprovodi Helsinški odbor za ljudska prava / Helsinki Committee for human rights u saradnji sa UNFPA.

Cilj projekta je podizanje svijesti građana kada je u pitanju stigmatizacija žrtava koje su seksualno nasilje doživjele u proteklom ratu u BiH.

Kratak osvrt na prethodnu godinu

PRONI Centar za omladinski razvoj, tokom 2018. godine realizovao je trideset projekata za mlade u koje smo uključili 2400 mladih ljudi iz čitave BiH.

Kratak osvrt na neke od stvari koje smo radili u prošloj godini možete pogledati na ovom linku: <http://www.proni.ba/2019/02/13/izvjestaj-o-radu-proni-2018/>

Ovom prilikom zahvaljujemo se svim mladim ljudima, aktivistima, volonterima, osoblju, partnerima i upravi PRONI Centra koji su učestvovali i dali svoj doprinos sprovođenju misije i vizije PRONI Centra za omladinski razvoj tokom 2018. godine.

Sastanak lokalne dijaloške platforme

14. februara smo učestvovali na trećem sastanku Lokalne dijaloške platforme, pri projektu pod nazivom "Dijalog za budućnost: promocija suživota i različitosti u BiH". Nakon osvrta na zaključke sa prethodnog sastanka diskutujemo o nacrtu dokumenta Okvira za djelovanje lokalne dijaloške platforme. Također, uspostavljamo plan za naredni period.

„Makeover“ u Vršcu

Na osnovu saradnje PRONI Centra za omladinski razvoj i organizacije Libero iz Srbije, Vijeće / Savjet mladih Brčko distrikta BiH ima predstavnike na projektu "Makeover" koji se održao od 16.-24.02. u Vršcu, Hotel Srbija. Ovo je prva obuka na kojoj su se obrađivale teme strateškog planiranja, osnove projektnog menadžmenta i druge teme o internim komponentama organizacije. Projekat je podržan od strane Erasmus+ programa EU.



Potpisan Memorandum o saradnji u Mostaru



Senad Suljić, direktor Centar za kulturu Mostar, i Jasmin Jašarević, generalni menadžer PRONI Centra za omladinski razvoj, su 18. Februara potpisali memorandum o saradnji sa ciljem otvaranja PRONI Omladinskog kluba u Mostaru.

Na sastanku koji je upriličen prije potpisivanja memoranduma o saradnji prisustvovala su i Senada Sadović - Šefica službe za odgoj, obrazovanje, mlade i sport pri gradskoj upravi grada Mostara i Sabina Memić - Viši samostalni referent za odnose sa NVO i vjerskim

zajednicama. Ovom prilikom se zahvaljujemo gradskoj upravi Mostara za pomoć i podršku koju pružaju inicijativama mladih.

Konferencija omladinskog rada - KORA

18. februara smo prisustvovali šestoj Konferenciji Omladinskog Rada - KORA koju je organizovala Perpetuum Mobile, u saradnji sa Ministarstvom porodice, omladine i sporta RS i M.O.C.A.R.T. - Mreža omladinskih centara za animiranje, razvoj i trening.



PRONI kao Contact Point BiH Erasmus+ YOUTH prezentovao je Erasmus+ program za mlade kao i program "Evropske Snage Solidarnosti" gdje su mladi iz čitave BiH i Srbije kroz rad u grupama imali priliku da diskutuju o prijedlozima i idejama za saradnju mladih iz regiona.

Poziv za mlade za prezentaciju projekta „Aktivni i ravnopravni u svim zajednicama“



Objavili smo poziv za mlade iz Brčkog, uzrasta od 15 do 21 godine da prisustvuju prezentaciji projekta "Aktivni i ravnopravni u svojim zajednicama" kojeg sprovodi IN Fondacija.

Mladi će dobiti mogućnost da se uključe u sam projekat, tako što će proći obuku, napisati svoj projekat i dobiti sredstva do 500 km da ga sprovedu u Brčkom.

Da bi ste mogli učestvovati i dobiti sredstva za vašu ideju potrebno je prisustvovati prezentaciji projekta koja će se održati 04.03.2019. u 11h u Omladinskom Centru Brčko.

Projekti mladih trebaju biti usmjereni na prevenciju rodno zasnovanog nasilja u Brčkom.

Čitav poziv na prezentaciju i više o projektu: <https://goo.gl/ttJkrW>

Kamp filma i aktivizma „We are Neighbors“

U sklopu projekta "Šta mladi znaju o zavičaju danas", u toku je kamp filma i aktivizma "We are Neighbors" u Level Up Trebevic, koji okuplja oko 50 mladih iz Brčkog, Mostara, Bihaća, Kotor Varoša, Gornjeg Vakufa - Uskoplja i Prijedora.

Mladi će imati priliku učiti o principima nenasilja, predrasudama, stereotipima, a imat će i priliku početi sa snimanjem epizoda što će u nastavku projekta rezultirati posjetama ovih gradova i promovisanjem istih epizoda na društvenim mrežama.

PRONI Centar je partner na ovom projektu kojeg sprovodi Magacin Kabarea podržan je od United States Embassy to Bosnia and Herzegovina.





HO „PARTNER“ Banja Luka

Ul. Srđe Zlopogleđe 55, 78000 Banjaluka

Tel./fax: +387 51 250 730

E-mail: partner@teol.net

Web: www.hopartner.org

Realizacija projekta „Banja Luka – inkluzivna zajednica“

Humanitarna organizacija „Partner“ od 01.11.2018. godine implementira projekat “Banjaluka – inkluzivna zajednica”, koji se realizuje u sklopu Regionalnog programa lokalne demokratije na Zapadnom Balkanu – ReLOaD, koji finansira Evropska unija (EU), a implementira Razvojni program Ujedinjenih nacija (UNDP), a sufinansira Grad Banja Luka.

Glavni cilj projekta je da se omogući potpuno ravnopravno i punopravno kretanje osoba sa invaliditetom (građana i posjetilaca) u Banjaluci, kroz korištenje javnog prevoza i saobraćajnica po osnovi jednakih mogućnosti sa ostalim građanima i time povećati njihovu uključenost u zajednicu i korištenje svih resursa zajednice.

Tokom implementacije projekta preplitaće se niz aktivnosti koje će doprinijeti analizi trenutnog stanja i nalaženju načina da se postojeći kapaciteti zajednice maksimalno iskoriste. Podizanje svijesti donosilaca odluka i šire javnosti, te aktivnostima koje će doprinijeti boljoj informisanosti osoba sa invaliditetom o tome koje resurse mogu koristiti, doprinijet će da Banjaluka postane inkluzivnija zajednica i značajno unaprijediti mobilnost osoba sa invaliditetom.

Jedna od aktivnosti projekta bila je formiranje radnih grupa koje su uradile *Analizu stanja javnog prevoza, taktilnih staza i prelaza u Banjaluci*. Analiza je predstavljena na okruglom stolu pod nazivom “Banjaluka – inkluzivna zajednica”, koji smo održali u saradnji sa Turističkom organizacijom Banja Luka.



Na okruglom stolu bilo je riječi o važnosti uređenja javnog prevoza, kako bi služio svim građanima, uključujući i osobe sa invaliditetom (korisnike kolica) s obzirom da već postoje pristupačni autobusi, ali se javljaju propusti i izgovori tipa da autobuske stanice nisu prilagođene, te da autobusi nemaju rampu koje omogućavaju ulazak korisnicima kolica. Pored toga, veoma je važno da se u svim prilagođenim autobusima uspostave/poprave displeji i govorne informacije o stanici na koju se ulazi. Prema *Analizi stanja radne grupe za prelaze i taktilne staze* utvrđeno je da je neophodno da se uredi saobraćajnice rampama i taktilnim stazama za nesmetano kretanje osoba sa invaliditetom.

U saradnji sa Turističkom organizacijom Banja Luka apelovaćemo da se izvrše dodatna prilagođavanja, a da se putem web sajta Turističke organizacije Banja Luka mogu dati informacije turistima sa invaliditetom gdje mogu boraviti u našem Gradu. Naš zajednički cilj je da se učini sve kako bi se

poboljšao pristup turističkim lokacijama Banjaluke, te tako omogućili svima ravnopravan i lakši pristup na mjesta koja su interesantna za turiste.

Nakon okruglog stola nastavili smo sastanke na kojima uz podršku Odjeljenja za saobraćaj i puteve radimo na sprovođenju zaključaka. U drugoj sedmici marta započinjemo sa obukom vozača u „Centralu” i nastavljamo sa svim drugim javnim prevoznicima.



Rješavanjem pitanja kretanja osoba sa invaliditetom dobrim dijelom se rješava pitanje njihovog učešća u zajednici, zadovoljavanja ličnih potreba, ali i političkog učešća što je direktno vezano za dalje unaprjeđenje položaja ove društvene grupe.

Projekat ukupno traje osam mjeseci od 01.11.2018 do 31.06.2019. godine.

Za dodatne informacije možete kontaktirati koordinatoricu projekta mr Oliveru Mastikosu putem e-maila: olivera.mastikosa@gmail.com, kao i portparola HO „Partner” Dušicu Lipovac (telefon: 065 228 934; e-mail: dusica.lipovac1@gmail.com).



Projekat finansira
Europska unija



Regionalni program lokalne demokratije na Zapadnom Balkanu – ReLOaD, finansira Europska unija, a implementira Razvojni program Ujedinjenih nacija (UNDP).



Ul. Jusufa Čampare bb, 76100 Brčko Distrikt BiH
Tel./Fax: +387 49 211 032
E-mail: svitac@gmail.net
Web: www.svitac.org
FB: www.facebook.com/omladinska.svitac

Dnevne radionice



Omladinska organizacija Svitac je nastavila sa svakodnevnim aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Mlađi učesnici su kreirali edukativne stvari uz pomoć lokalnih i međunarodnih volontera: učili su nazive omiljenih igračaka na engleskom jeziku, te ih crtali; pravljenje 3D makete – Winter Wonderland (i 3D Snješko i njegova kuća), najmlađi učesnici su takođe učili o vrstama pasa i u kojim službama se koriste kao pomoćnici, o saobraćaju – osnovni znakovi na semaforu – kako sigurno preći ulicu; te su pravili robota od raznih oblika i prenosili ga na papir i bojili. Na muzičkim radionicama su vježbali pjesme „Djeca su ukras svijeta“ i „Do-Re-Mi“, te su imali priliku okušati se na raznim udaraljka i akustičnim instrumentima. Materijal korišten na radionicama je karton u boji, kolaž papir, drvene i masne bojice, makaze, ljepilo, šljokice, drveni štapići, dekorativni i ukrasni papir, stickeri, radni listovi plastelin, vuna. Drugi dio radionice je namijenjen za relaksaciju, osvježanje,

jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljom je kreativno izražavanje na kojima su učesnici i ovaj mjesec pravili kreacije koristeći razne materijale: lava lampe, narukvice od gumica sa znakom mira, naučne radionice sa magnetima, razne postere i kolaže sa porukama mira i prijateljstva, te „I am human because...“. Utorkom su učesnici vježbali engleski jezik i svakodnevnu komunikaciju, spajanje rečenica pomoću određenih elemenata, u vidu takmičarskih igara, te igre prijateljstva, koje poboljšavaju učenje engleskog u grupi i timski rad. Pored ovih aktivnosti, učesnici su i ovog mjeseca na muzičkim radionicama radili sa akustičnim muzičkim instrumentima, te su vježbali različite ritmove i slušali različite vrste muzike. Srijedom su se održale radionice joge, razgovor o zdravoj ishrani, te su takođe održane mini debate na temu „Da li sam zadovoljan/a svojim tijelom“. Četvrtkom su se družili uz sportske aktivnosti, društvene i teambuilding igre, a petkom su nastavili raditi na radionicama njemačkog jezika (vokabular na temu bajke); čitali su dijelove iz poznatih bajki braće Grim, te razgovarali o njima. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje. Koordinator radionica je bio Adin Midžić uz

asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.

Radionica gitare

Učesnici ovih radionica utvrđivali su naučeno gradivo i radili na novim etidama i kompozicijama J.S Bacha, F. Carulija, F. Sora, F. Tarrege. U februaru se radionicama gitare pridružio novi član, sa kojim je rađeno na razumijevanju različitih notnih vrijednosti i osnovnim tehnikama sviranja.

Radionica sambe

Učesnici ove radionice su počeli raditi na novoj ideji: Bluesy Funk u C-molu sporijeg tempa, sa nešto ostavljenog prostora za gitarske improvizacije. Osim ovoga učesnici su svirali kompozicije iz ranijeg perioda.

Filmsko veče

Na filmskoj večeri Omladinske organizacije Svitac održanoj 31.01. mladi iz Brčko distrikta su imali priliku pogledati dokumentarni film „U potrazi za boljim danima“. Film je projekat Wijnand Slurinka iz Holandije, studenta filmskih umjetnosti. U filmu su učestvovali mladi ljudi iz Bosne i Hercegovine, te i volonteri Omladinske organizacije Svitac Maja Tomić i Adin Midžić. Projekcija je održana u Omladinskom Centru Brčko distrikt, sa početkom u 19 časova. Film se može pogledati online, na Youtube-u.

https://www.youtube.com/watch?v=YcVHs4_iS98&t=392s

Dijalog za budućnost

Omladinska organizacija Svitac je 08. februara učestvovala na III treningu u okviru seminara pod nazivom „**Izgradnja mira i promocija socijalne kohezije**“, a koji je održan u Tuzli. Seminar se provodi u okviru projekta „**Dijalog za budućnost**“, koji implementiraju UNICEF, UNESCO i UNDP u partnerstvu sa Predsjedništvom Bosne i Hercegovine. Platforme za dijalog su uspostavljene sa ciljem kreiranja saradnje sa različitim zainteresovanim stranama koje će dobiti priliku da upotpune svoje vještine neophodne za uspješni dijalog u zajednici a to su liderstvo bazirano na saradnji te skup vještina pomoću kojih se postižu bolji rezultati u procesu izgradnje dugoročnih stabilnih društvenih odnosa. Cilj platforme za dijalog je podsticanje zajednica da diskutuju o izazovima i zajedničkim rješenjima za probleme kroz međusobnu saradnju. Ovaj put na treningu su održane interaktivne radionice na teme: nenasilno prevazilaženje sukoba, stres i strategije nošenja sa stresom i stresnom situacijom, te razvoj saradnje, timski rad i socijalna kohezija.



Međunarodni dan socijalne pravde

Ujedinjeni narodi su 2007. godine donijeli odluku da će 20. februar obilježavati kao Svjetski dan socijalne pravde, budući da se socijalni razvoj temelji na pravdi, solidarnosti i jednakosti među svim zemljama i unutar svake od njih, a socijalna pravda, jednakost i pravednost čine temeljne vrijednosti svakog društvenog života.



Omladinska organizacija Svitar je obilježila ovaj datum radionicom za uzrast 13+, na kojoj je gostovala Mirjana Knežević, profesorica demokratije i članica predsjedništva Sindikata Brčko distrikta. Cilj radionice je bila promocija važnosti uloge Sindikata, zaštita i prava radnika, te stabilnost demokratije u društvu.

Radionica za uzrast 4-7 godina je bila metodički prilagođena uzrastu, kako bi učesnici bolje razumjeli pojmove pravde tj. nepravde. Svaki drugi učesnik je dobio keks, međutim, nije bilo dovoljno za sve. Kroz igru i interakciju su trebali pronaći rješenje, kako bi svako dijete imalo keks. Zatim su obojili radni list. Cilj radionice je bila promocija važnosti jednakosti i istih prava.

Međunarodni dan socijalne pravde je takođe bio prilika da istaknemo značaj posvećenosti ciljevima, kao što su razvoj i pružanje novih socijalnih usluga za posebno ranjive društvene skupine i pojedince. Prema privremeno ili trajno socijalno ugroženim društvenim skupinama i pojedincima, treba i nadalje graditi odnos koji izražava stalnu brigu o njima i ne dovodi ih u položaj da se osjećaju nekorisnim i nezaštićenim članovima društva.

Međunarodni dan maternjeg jezika

UNESCO je 1999. godine 21. februar proglasio Međunarodnim danom maternjeg jezika, koji je dio kulturnog identiteta naroda, tačka prepoznavanja, različitosti, ali i tolerancije i razumijevanja. Briga o maternjem jeziku je način dokazivanja svijesti o vlastitom identitetu, ali i veoma osjetljivo mjesto tolerancije prema drugom i drugačijem.

Omladinska organizacija Svitar je 21. februar obilježila interaktivnom radionicom na njemačkom jeziku, koja je održana u JU Gimnazija "Vaso Pelagić" u Brčko distriktu, sa učenicima četvrtih razreda. Koordinator radionice Florian Pauleck, međunarodni volonter iz Njemačke, je zanimljivom metodikom prilagođenoj poznavanju jezika ukazao na problematiku svakodnevnog rasizma, netolerancije te rodne diskriminacije u jeziku.



Svitar je, takođe, obilježio ovaj datum radionicama za uzrast od 4 do 7 godina i za uzrast 12+. Radionica za mlađe učesnike (4-7 godina) je metodički prilagođena uzrastu, kako bi učesnici bolje shvatili pojam i cilj radionice. Učesnici su radili vježbu neverbalne komunikacije, kako bi bolje shvatili važnost postojanja jezika kao vida razumijevanja. Učesnici su imali priliku da nauče i čuju koje jezike pričaju međunarodni volonteri Omladinske organizacije Svitar. Slušali su pjesmu "Hello around the world".

U drugom dijelu održana je radionica za uzrast 12+. Učesnici su sa koordinatorom razgovarali o važnosti maternjeg jezika i povijesnog nacionalnog blaga koja su se pojavila kroz jezik, poput idioma, šala i književnosti. U okviru ove radionice učesnici su svoja mišljenja i zaključke napisali na posteru.

Za mart se planira nastavak svih redovnih radionica Omladinske organizacije Svitar.



Udruženje građana "C.E.Z.A.R." Srbač

Zdravka Čelara 29, 78420 Srbač

Tel: 051 928 126

e-mail: zdravosrbac@yahoo.com

Učešće na međunarodnom plesnom takmičenju „Grand Prix Vienna 2019“

Najstarija grupa ritmičke gimnastike sa koreografijom „Wrecking“ nastupila je na međunarodnom plesnom takmičenju u Beču „Grand Prix Vienna 2019“, osvojivši prvo mjesto u kategoriji „Open“. U veoma jakoj konkurenciji plesači su stigli do zlata i tako još jednom potvrdili da se u Udruženju vrši kvalitetan rad sa mladima kroz razne vidove sekcija, kurseva i radionica.



Delegacija Cezara je prilikom boravka u Beču posjetila Predstavništvo Republike Srpske gdje je za njih upriličen svečani prijem. Ovom posjetom stvorene su veze između srbačkog udruženja i kancelarije Republike Srpske u Beču, što je za svaku pohvalu, a predstavništvo Republike Srpske je jednim dijelom bilo sponzor putovanja, baš kao i Opština Srbač, te 20-tak javnih i privatnih preduzeća sa srbačke opštine.





H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Dobož
Tel./fax: +387 53 226 886
E-mail: merhamet.dobož@cutuk.net
FB: www.facebook.com/Merhamet-Dobož

Osim stalnih aktivnosti koje podrazumjevaju: Evidentiranje članarine, štampanje korisnicima molbi, žalbi, raznih dopisa, fotokopiranja, rada sa članovima, pružanja informacija, raspodjele humanitarne pomoći, izrada projekata i prisustvo seminarima, okruglim stolovima i drugim sesijama, Merhamet Dobož je tokom februara radio na sljedećem:

15.02. održan je seminar na temu "Dijalog za budućnost", u partnerstvu sa Opštinom Dobož. Prijedlozi za resurse koje posjeduje grad Dobož su veoma interesantni, a veoma dobro ih je prezentovala NVO "Genesis".



16.02. izvršena je raspodjela humanitarne pomoći za oko 250 porodica. Trudimo se koliko smo u mogućnosti da pomognemo našim članovima.(3,4 i 5)



20.02. Predsjednica "Merhamet-a" Dobož, Avdić Faketa prisustvovala je godišnjem forumu za održive povratničke zajednice u Republici Srpskoj. Na forumu je bio prisutan i član predsjedništva BiH, Šefik Džaferović, te federalni ministar raseljenih osoba i izbjeglica Edin Ramić čije je Ministarstvo i organizovalo ovaj veoma uspješan forum.



21.02. u Doboju je održana sjednica Regionalnog odbora Banja Luka. Dnevni red sjednice je bio slijedeći:

- Informacije o radu "Merhameta" regije Banja Luka,
- Razmatranje plana održavanja Skupština MDD Merhameta regije Banja Luka,
- Pripreme za Ramazan
- Podrška radu Merhameta.

Zaključak je da samo zajedničkim snagama možemo ići naprijed.



21.02. u "Merhamet-u" Doboju održana je godišnja Skupština, na kojoj je bio prisutan direktor regije Jasmin Spahić, i predstavnici "Merhamet-a" regije Banja Luka. Skupština se završila veoma uspješno.



26.02. održana je Skupština unije za povratak, na kojoj je bila prisutna i predsjednica "Merhamet-a" Doboju Avdić Faketa. Na skupštini se razmatralo kako postići održivi povratak kada je loša politička i ekonomska situacija u pitanju. Zaključak povratničkih predstavnika iz drugih gradova je da se samo zajedničkim snagama možemo izboriti za bolje sutra.



Institut za
razvoj mladih KULT



Ul. 4. Viteške brigade
34 – 36 BA, 71210 Ilidža,
Sarajevo
Tel: +387 33 778 778.
Fax: +387 33 778 79
E-mail: kult@mladi.org,
web: www.mladi.org

Saradnjom Instituta i Ministarstva civilnih poslova do boljeg položaja mladih

Institut za razvoj mladih KULT i Ministarstvo civilnih poslova Bosne i Hercegovine zajedno će raditi na kreiranju boljeg ambijenta za život mladih u BiH. Memorandum o saradnji i podršci unaprjeđenju položaja mladih potpisali su Jasmin Bešić, direktor Instituta i ministar Adil Osmanović.

Potpisivanjem memoranduma uspostavlja se institucionalna saradnja s ciljem zajedničkog djelovanja na



definisanju i analiziranju sektorskih politika prema mladima, analiziranju potreba i problema mladih u Bosni i Hercegovini, razvoju i saradnji sa savjetima mladih u Bosni i Hercegovini i drugim nadležnim organima vlasti za mlade u Bosni i Hercegovini, profesionalizaciji omladinskog rada i rada sa mladima te podrške razvoju omladinskog sektora u Bosni i Hercegovini.

Nakon uspostavljanja saradnje, po prvi put bit će urađena analiza o potrebama

i problemima mladih na području cijele zemlje. Kako je istakao direktor Instituta Jasmin Bešić, osim analize potreba mladih, saradnja će se provoditi i kroz savjetodavnu podršku pri provođenju uspostavljenog zakonskog okvira za mlade, podršku u kreiranju strateških dokumenata za mlade u Bosni i Hercegovini, informisanje mladih na njima prilagođen način o mjerama koje provodi Ministarstvo civilnih poslova Bosne i Hercegovine i nevladin sektor, kao i kroz zagovaranje adekvatnih izdvajanja budžetskih sredstava za pitanja mladih i promociju politika prema mladima.

Sporazum o saradnji jedan je od koraka ka detektovanju stvarnih problema mladih na osnovu kojih bi trebale biti definisane i mjere za kreiranje kvalitetnijih uslova života koji će mlade zadržati u BiH.

„Osnovni motiv je da dobijemo analizu potreba mladih koja bi bila prihvatljiva za sve nivoe vlasti u Bosni i Hercegovini, a koja treba da bude polazište za sve buduće politike u oblasti mladih. Suočeni smo sa problemom odlaska mladih, prije svega visoko kvalifikovanih ljudi iz BiH, a analiza o čijoj izradi smo

potpisali Memorandum treba da ukaže na razloge odlaska i ponudi preporuke za aktivnosti kako bi se status mladih popravio“, rekao je ministar Adil Osmanović.

Institut za razvoj mladih KULT već petnaest godina radi na kreiranju povoljnijeg ambijenta za život mladih u BiH i to prvenstveno kroz saradnju sa institucijama vlasti, te kreiranje strateških i zakonskih dokumenata.

Podrškom mladima do prvog studija za razvoj igrica BiH

Najpopularnija video igrica u budućnosti bi mogla doći baš iz Sarajeva i Bosne i Hercegovine, a zahvaljujući inovativnim mladim ljudima. Amar Zubčević je Sarajlija koji se za razvoj video igrica počeo interesovati još prije desetak godina. Kroz zabavu i igru sa prijateljem je usavršavao znanje i razvijao različite video igrice. Da to što rade ima smisla, svjedoče i brojne nagrade i priznanja koje su dobili od reprezentativnih članova ove industrije.

Perspektivnost Amarove ideje prepoznao je i Institut za razvoj mladih KULT koji je zajedno sa Općinom Stari Grad i uz podršku Ambasade Kraljevine Švedske u BiH osigurao podršku za razvoj njegovog biznisa. Amar je sada vlasnik prvog studija za razvoj igrica u BiH u kojem će raditi sa nekoliko prijatelja, a uskoro upošljavati i druge, talentovane mlade ljude.

„Ovom podrškom cijelu priču dići ćemo na viši nivo, zaposliti druge mlade, realizovati zahtjevnije projekte. Oduvijek sam volio raditi i radio sam i dok sam studirao, ali sada sam dobio priliku da zaista napravim vrijedne stvari.“ - Amar Zubčević.

Zahvaljujući Preduzetničkom fondu za mlade koji je osnovan kako bi podržavao perspektivne ideje mladih, po prvi put u BiH mladi će se ozbiljnije baviti i 3D printom.

„Mi ćemo zapravo druge činiti sretnim, kao što je to za nas učinila ova podrška. Dugo sam bio bez posla, a sada imam priliku i ja posao osigurati drugima. Malo vjetra u leđa potrebno je mladima da bi uspjeli i ovo je pravi primjer.“ - Rusmir Poturović.



U Starom Gradu u okviru preduzetničkog fonda za mlade pokrenuti su i obrti kao što su automehaničar, autolakirer, fotograf, frizer, te otvorena veterinarska apoteka. Ukupan iznos predviđen za finansiranje biznisa mladih iz Starog Grada je 40.000 KM, a u jednakim omjerima sredstva izvajaju Općina Stari Grad i Institut za razvoj mladih KULT.

U okviru Preduzetničkog fonda za mlade udruženim sredstvima jedinica lokalne samouprave i Instituta za razvoj mladih KULT, uz podršku Ambasade Kraljevine Švedske u BiH, namijenjenih razvoju preduzetništva i zapošljavanju mladih sa područja osam općina i gradova.

Ukupan iznos Preduzetničkog fonda za mlade iznosi oko 400.000 KM, a bit će podržano od 50 do 100 biznisa mladih ljudi. Biznisi su do sada podržani u Općini Stari Grad Sarajevo, Općini Jajce, Opštini Teslić, Općini Novi Travnik, Općini Centar Sarajevo, Opštini Modriča, Gradu Cazinu i Gradu Trebinje.

Događaj za službenike za mlade: Odlazak mladih iz BiH: prilike i izazovi

Institut za razvoj mladih KULT u martu 2019. godine organizovat će Seminar „Odlazak mladih iz Bosne i Hercegovine: prilike i izazovi“ koji je namijenjen službenicima/ama za mlade kako bi stekli jasniji uvid u trenutnu situaciju, ali i uvidjeli načine na koje oni mogu djelovati u cilju kreiranja pozitivnije klime za život mladog čovjeka u svakoj lokalnoj zajednici.

Svakodnevni rad i djelovanje službenika/ce za mlade u lokalnim zajednicama, od iznimne je važnosti za razvoj zajednica u kojima djeluju, ali i za svakog mladog čovjeka s kojim rade. Istovremeno, usavršavanje i unaprjeđenje položaja službenika/ce za mlade Institutu za razvoj mladih KULT jedan je od prioriteta jer jedino zajedničkim snagama možemo unaprijediti položaj mladih u našoj zemlji i pomoći im da istinski postanu aktivni građani/ke.

Odlazak mladih goruća je tema u Bosni i Hercegovini posljednjih godina. Prema rezultatima Analize o položaju i potrebama mladih, koju je 2013. godine objavio Institut za razvoj mladih KULT, od završetka rata do 2013. godine BiH je napustilo oko 150. 000 mladih.

Nakon 2013. godine objavljuju se sporadične analize nevladinih i međunarodnih organizacija koje ukazuju na kontinuirani rast broja mladih koji se odlučuju napustiti zemlju, ali se pojavljuje i određeni fenomen odlazaka cijelih porodica. Prema online anketi koju je Institut objavio u ljeto 2017. godine, mladi odlaze prvenstveno zbog besperspektivnosti, nezadovoljstva obrazovnim i zdravstvenim sistemom, prevelikog prisustva korupcije i nepotizma, ali i nezaposlenosti.

Navedena situacija implicira potrebu uključivanja svih relevantnih aktera u rješavanje ovog problema, prvenstveno kroz kreiranje strateškog pristupa i svih pratećih aktivnosti koje će doprinijeti kreiranju ambijenta u kojem će mladi željeti ostati, ali i u koji će htjeti vratiti. Posebnu pažnju predstavlja i pitanje na koji način Bosna i Hercegovina odgovara na potrebe i probleme mladih koji jesu i biraju ostati, te kako kreirati konkretne mjere za saradnju sa mladima u dijaspori.

Događaj će okupiti oko 25 službenika/ca za mlade iz Bosne i Hercegovine, a kao goste događaja predstavnike etnitskih i državnih institucija nadležnih za mlade, te predstavnike različitih organizacija, poslovnih zajednica, obrazovnih institucija, ali i mlade koja će sa prisutnim podijeliti svoja pozitivna i negativna iskustva.

Podaci, preporuke i mišljenja prikupljena tokom događaja sa svih tematskih područja stajat će na raspolaganju relevantnim institucijama nadležnim za pitanja mladih na svim nivoima vlasti te korišteni za dalje kreiranje obuka za službenike/ce za mlade.

Konferencija će biti održana od 5 – 8. marta 2019. godine u Hotelu Hills u Sarajevu.

Institut i CEO: Jeste li spremni za bolju verziju sebe?

Institut za razvoj mladih KULT podržao je organizaciju CEO konferencije, a kako bi mladima pomogao da iskoriste svoj puni potencijal i postanu bolja verzija sebe, organizovao je i radionicu u okviru konferencije.



Lideri jedu posljednji – naziv je radionice tokom koje je o liderstvu i timskom duhu sa mladima razgovarao izvršni direktor Instituta za razvoj mladih KULT, Jasmin Bešić.

Mladi su imali priliku naučiti kako biti sjajan lider u timu, ali i timski igrač, slušati interaktivno predavanje sa praktičnim vježbama o temi leadershipa koji predstavlja jednim dijelom psihološku stranu menadžmenta, dok drugim dijelom pokazuje kako se može na jedan skladan i kvalitetan način predvoditi tim ljudi.

Ekonomski fakultet Univerziteta u Sarajevu u okviru ovogodišnjeg projekta CEO konferencije pod sloganom The Power of Choice (Moć izbora), zajedno sa partnerima: među kojima je i Institut za razvoj mladih KULT, organizirat će seriju radionica za studente i srednjoškolce sa ciljem jačanja ličnih kompetencija i vještina mladih u Bosni i Hercegovini, a prva u nizu radionica, „Lideri jedu posljednji“, održana je 9. februara 2019. godine pod pokroviteljstvom Instituta za razvoj mladih KULT.

Trifunović i Radojičić gosti obuke UMiDp

Politički sistem Bosne i Hercegovine bila je tema prvog dijela obuke Uči, misli i djeluj! za omladinske političke lidere/ice za drugu generaciju polaznika i polaznica koju realizuje Institut za razvoj mladih KULT. Tokom pet dana, 26 polaznika/ca obuke iz dvanaest različitih političkih stranaka iz BiH, učilo je o elementima koji će im biti neophodni u budućem radu kroz politički angažman.

Polaznici/e imali su priliku razgovarati sa inspirativnim gostima i različite teme sagledati iz drugačijih perspektiva. Gosti obuke bili su Igor Radojičić, gradonačelnik Grada Banja Luke i Aleksandar Trifunović, glavni urednik Buka portala.

U narednom periodu obuka će biti organizovana i u Konjicu i Sarajevu, a teme obuke bit će i razvoj političkog imidža i političko zagovaranje i pregovaranje za rješavanje problema mladih.

Cilj obuke je osnažiti mlade članove/ice različitih političkih stranaka registriranih u BiH, koji imaju od 18 do 30 godina za izgradnju političke karijere za koju su motivirani te za angažman na unaprjeđenju položaja mladih u BiH.

Obuka u Banjoj Luci održana je od 6. do 10. februara 2019. godine.





Asocijacija srednjoškolaca u Bosni i Hercegovini

Ul. Mula Mustafe Bašeskije 7, 71000 Sarajevo
Tel/fax: +387 33 205 850
E-mail: asubih@yahoo.com
Web: www.asubih.ba

Međunarodni dan borbe protiv nasilja

Posljednju srijedu u mjesecu februaru, održava se Međunarodni dan borbe protiv vršnjačkog nasilja, poznat i kao Dan ružičastih majica, a obilježava se još od 2007. godine. Mnogi od lokalnih timova u okviru naše organizacije iskazali su da su upravo oni dio jedne takve borbe i podrške.



Konkurs za dostavljanje projektnih aplikacija u sklopu Fonda Socijalnog dana 2018. je zatvoren

Asocijacija srednjoškolaca u Bosni i Hercegovini raspisala je konkurs za dostavljanje projektnih prijedloga srednjoškolaca u sklopu projekta "Socijalni dan 2018". Nakon što je ASuBiH 19. oktobra 2018. godine realizovao svoj treći po redu "Socijalni dan", projekat u kojem je 1564 srednjoškolaca jedan dan provelo volontirajući u firmama, otvoren je Fond Socijalnog dana za podršku projektnih ideja srednjoškolaca širom Bosne i Hercegovine.

Svaki poslodavac koji je bio partner na ovom projektu te pružio priliku srednjoškolcima da jedan dan provedu u preduzećima i kompanijama, dužan je bio uplatiti iznos dnevnice. Novac kojeg su srednjoškolci zaradili taj dan, oformio je Fond Socijalnog dana 2018. Iz tog Fonda će se finansirati projekti koji su usmjereni ka srednjoškolcima, te koji će doprinjeti razvoju lokalnih zajednica i razvoju mladih u sklopu te zajednice.

Prezentacije za nove članove



U srijedu, 13.02.2019., članovi lokalnog tima Visoko su dobili priliku učenicima MSŠ "Hazim Šabanović" predstaviti Asocijaciju srednjoškolaca u Bosni i Hercegovini, upoznati ih i sa radom, misijom, vizijom te ciljevima organizacije.

"Danas smo ispričali svoju priču. Danas smo zainteresovali mnoge srednjoškolce da se aktiviraju i zajedno sa nama postanu dio naše predivne priče zvane ASuBiH. Postali smo još jači tim, koji broji sve više i više srednjoškolaca", kazala je članica lokalnog tima

Visoko. Ako mogu oni, šta vas zaustavlja?

2018. godina u brojkama

Za 365 dana u godini, Asocijacija srednjoškolaca u Bosni i Hercegovini uspjela je realizovati čak 356 aktivnosti!



Treća redovna Skupština Vijeća mladih FBiH

3. februara je u Zenici održana Treća redovna Skupština Vijeća mladih FBiH, na kojoj je rezimiran rad u protekloj godini. Koordinator lokalnog tima Zenica, Jalal Romano, prisustvovao je ispred Asocijacije srednjoškolaca u BiH.



INFORMACIJE / DONATORI / POZIVI

Poziv na prezentaciju MATRA programa

Ambasada kraljevine Nizozemske u Sarajevu je 21. februara 2019 objavila poziv za podnošenje prijedloga projekata za finansiranje iz programa [MATRA](#).

Cilj MATRA programa je da doprinese društvenoj transformaciji, što vodi održivom odnosu između vlade i građana/ki u oblastima pluralne demokratije, vladavine prava i ljudskih prava, koristeći holandsko iskustvo gdje je to moguće.

Organizacijama civilnog društva pruža se podrška za promovisanje konstruktivnog dijaloga između vlade i civilnog društva kroz projekte koji su zasnovani na stvarnim potrebama i koji će doprinijeti povećanju odgovornosti i transparentnosti BiH vlasti, unaprijediti politike i zakonodavstvo i/ili pratiti njihovu provedbu u sljedećim oblastima:

Vladavina prava, uključujući reformu pravosuđa i javne uprave, te borba protiv korupcije i organiziranog kriminala;

Poštivanje ljudskih prava i osnovnih sloboda, sa posebnim naglaskom na manjine, slobodu vjeroispovijesti i uvjerenja, te branitelje ljudskih prava;

Sloboda izražavanja i nezavisnost medija, uključujući sigurno radno okruženje za novinare/ke u tradicionalnim i digitalnim medijima.

Socijalne i ekonomske reforme u svjetlu BiH procesa pristupanja Evropskoj uniji;

Stabilnost i sigurnost, sa fokusom na pristupanje NATO-u, migracije, borba protiv terorizma i suzbijanje nasilnog ekstremizma.

Prezentacija MATRA programa će biti održana na engleskom jeziku. Prijedlozi projekata se također predaju na engleskom jeziku.

Prezentaciju MATRA programa će uraditi uposlenice Ambasade kraljevine Nizozemske, nakon čega će biti otvoren prostor za diskusiju i pitanja.

Prezentacija će biti održana **11. marta u 10.30 u prostorijama Mreže za izgradnju mira**, Obala Kulina bana 39, Sarajevo. Molimo Vas da potvrdu dolaska pošaljete putem emaila goran.bubalo@mreza-mira.net najkasnije do 10. marta/ožujka. Prijava treba navesti ime i prezime osobe koja dolazi, te naziv organizacije. Za sva dodatna pitanja možete se obratiti na na telefon 061/211 079.

Program kulturnih grantova

Cilj Programa kulturnih grantova Ambasade SAD je podrška programima koji dijele bogatstvo i raznolikost američke kulture sa bosanskom javnošću, te promiču međusobno razumijevanje i kulturni dijalog između Sjedinjenih Američkih Država i Bosne i Hercegovine. Grantovi se obično kreću između 1.000 i 15.000 dolara, a dodjeljuju se neprofitnim organizacijama i ustanovama za umjetničke i kulturne predstave, gostujuće govornike/reditelje/izvođače, prava na američka djela, izložbe, radionice, itd., koji unapređuju ciljeve programa. Prijedlozi projekata se primaju stalno, a potrebno je da budu dostavljeni 3-6 mjeseci prije planiranog događaja ili aktivnosti.

Što tražimo?

- Programska komponenta koja pomaže u izgradnji i poboljšanju odnosa između Bosne i Hercegovine i SAD-a i/ili uvodi novi element američke kulture u Bosnu i Hercegovinu.
- Projekat sa jakim umjetničkim zaslugama.
- Odgojna komponenta, kao što je radionica ili majstorska klasa od strane gostujućeg umjetnika.

- Projekti koji imaju korist za široku grupu ljudi ili imaju plan za prošire rezultate u javnosti.

Vaš će se prijedlog vrednovati i po sljedećem:

- usklađenost sa smjernicama prijedloga i uključivanje obaveznih komponenti,
- konkretan i logičan budžet, i
- kapacitet aplikanta za implementaciju projekta.

Više informacija na link <https://ba.usembassy.gov/education-culture/grant-opportunities/cultural-grants-program/>

SNAGA LOKALNOG: Javni poziv za bolje lokalne zajednice u BiH

Inicijativa Snaga lokalnog pomaže i podržava lokalne zajednice u BiH da prepoznaju lokalne potencijale i potrebnu podršku kako bi radili na rješavanju problema u samim zajednicama.

Institut za razvoj mladih KULT i USAID inicijativom Snaga lokalnog pomažu lokalnim organizacijama, neformalnim grupama ili pojedincima kako da pronađu rješenje za probleme koje su sami prepoznali u svojoj zajednici. Koristeći inicijativu Snaga lokalnog svi građani/ke mogu prijaviti probleme koje žele riješiti u svojim lokalnim zajednicama, nudeći konkretne prijedloge za rješenja, koristeći lokalne potencijale i povezujući se s drugim akterima svoje zajednice.

Na Javni poziv za saradnju mogu se prijaviti sva fizička i pravna lica, kao i neformalne grupe građana koji imaju prebivalište, odnosno registrirani su u jednoj od sljedećih lokalnih zajednica u Bosni i Hercegovini: Bihać, Bosansko Grahovo, Bosanska Krupa, Bosanski Petrovac, Berkovići, Bileća, Bužim, Cazin, Čapljina, Čitluk, Drvar, Gacko, Glamoč, Grude, Istočni Drvar, Istočni Mostar, Ključ, Krupa na Uni, Kupres, Ljubinje, Ljubuški, Neum, Nevesinje, Novi Grad, Petrovac, Posušje, Prozor/Rama, Ravno, Ribnik, Stolac, Trebinje, Velika Kladuša.

CILJ JAVNOG POZIVA

Prepoznavanje i rješavanje postojećeg problema u lokalnoj zajednici.

KRITERIJI JAVNOG POZIVA

- Akcija koja se prijavljuje treba rješavati konkretan problem u zajednici.
- Akcija koja se prijavljuje provodi se isključivo u lokalnoj zajednici.
- Akcija koja se prijavljuje uključivat će partnerstvo ili podršku lokalnih aktera (lokalne vlasti, javne institucije, poduzetnici, privredni subjekti, lokalne organizacije civilnog društva, druge ustanove, građani ili grupe iz lokalne zajednice važni za akciju).
- Akcija koja se prijavljuje treba imati širu društvenu korist.
- Akcija koja se prijavljuje ne može sadržavati honorare i naknade za osoblje akcije.

- Akcija koja se prijavljuje ne može obuhvatiti nabavku opreme koja će ostati u trajnom vlasništvu pojedinaca.
- Poželjno je da akcija koja se prijavljuje uključi saradnju s općinskom/gradskom upravom.
- Poželjno je da akcija koja se prijavljuje uključi direktno što veći broj građana iz lokalne zajednice.

VAŽNI DATUMI I NAPOMENE

Javni poziv ostaje otvoren do utroška sredstava, a najkasnije do 14. 4. 2019. g.

Sve prijavljene akcije moraju biti provedene najkasnije do 31. 5. 2019. g.

Nakon prijave akcije, a najkasnije u roku od 48 sati ćete dobiti odgovor o prijemu i evidenciji Vaše prijave i daljim potrebnim koracima.

Više informacija: [Javni poziv](#)



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
**Omladinski resursni centar
Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba
hcatuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

*Prevod Biltena na engleski: **Emir Karamujić***

*WEB stranica Mreže:
www.omladina-bih.net*

*Mejling lista Mreže:
posta@omladina-bih.net*

*Webmaster:
emir.delalic@gmail.com*